

AKT THEMELIMI

I

SHOQËRISË TREGTARE ME PËRGJEGJËSI TË KUFIZUAR

“ 4C ” sh.p.k

Sokol Galanxhi, me atësi Lekë dhe amësi Gonxhe, dt.05.12.1977, lindur në Sarandë dhe banues në Tiranë rruga Idriz Dollaku, Palati 4, shkalla 1, apartamenti 8. Tiranë, madhor me zotësi të plotë juridike dhe për të vepruar,

bazuar në dispozitat e Ligjit Nr. 9901, datë 14.04.2008, “Për Tregtarët dhe Shoqëritë Tregtare”, Ligjin Nr. 131/2015 “Për Qendrën Kombëtare të Biznesit”, Ligjin Nr. 9723, datë 03.05.2007, “Për regjistrimin e biznesit”, i ndryshuar, mbledhur në Tiranë sot më datë 14.04.2024

VENDOSI:

Të krijojë një shoqëri tregtare dhe për këtë qëllim të hartojë dhe miratojë këtë Akt Themelimi të shoqërisë si më poshtë vijon;

NENI 1 *Emri*

1.1 Shoqëria do të paraqitet në qarkullimin tregtar me emërtimin e saj **“ 4C ” SH.P.K.**

1.2 Ndryshimi i emrit të shoqërisë mund të bëhet vetëm me vendim të Asamblesë së Përgjithshme të Shoqerise (Ortaku i vetem).

NENI 2 *Forma juridike*

2.1 Shoqëria tregtare **“ 4C ” SH.P.K**, ka formën e një shoqërie me përgjegjësi të kufizuar (sh.p.k).

2.2 Shoqëria mund të transformohet në një formë tjeterjuridike me vendim të Asamblesë së Përgjithshme (Ortaku i Vetem) sipas përcaktimeve në ligj dhe në Statutin e saj.

NENI 3 *Selia*

3.1 Selia e Shoqërisë ndodhet në adresën, Rruga Idriz Dollaku, Palati 4, shkalla 1, apartamenti 8. Tiranë.

3.2 Ndryshimi i selisë së shoqërisë mund të bëhet vetëm me vendim të Asamblesë së Përgjithshme të Shoqërisë (Ortaku i Vetem).

3.3 Me vendim të Asamblesë së Përgjithshme të Shoqërisë (Ortaku i Vetem) shoqëria mund të hapë degë të saj apo Zyra përfaqësimi në qytete të tjera apo dhe jashtë Shqipërisë.

NENI 4



Vula e shoqërisë

4.1 Shoqëria do të ketë vulën e saj.

4.2 Forma e vulës dhe masa e saj do të përcaktohen nga Asambleja e Ortakëve (Ortaku i vetëm) në përputhje me legjislacionin shqiptar.

NENI 5 **Objekti i Veprimtarisë**

5.1 Shoqëria ka si objekt veprimtaritë që vijojnë më poshtë:

Shoqëria ka si objekt veprimtaritë që vijojnë më poshtë:

Objekti i shoqerise do te jete ne fushen e turizmit, hotelerise, shitje blerje biletash avioni, trajeti, autobusi dhe/apo te mjeteve te ndryshme të organizimit e formave te udhetimeve turistike, udhetimeve pune, akomodim te pushuesve ne hotele si edhe njesi te tjera pushimi, shitje/blerje te paketave turistike, evenimenteve zyrtare dhe jo zyrtare, organizim seminaresh, konferencash. Udhetime Turistike me grupe te organizuara brenda dhe jashte vendit.

Shitje/blerje biletash per evenete sportive dhe evenimente te ndryshme kulturore dhe artistike. Makina me qera, siguracion shendetit ne udhetime. Organizim turesh brenda dhe jashte vendit perfshire dhe akomodimin e turisteve. Shoqeria bashkepunon me agjenci te treja turistike, udhetimi, shoqeri transportesh, vendase dhe/ apo te huaja, hotele, bujtina , menaxhon vila dhe apartamente me qira ditor per akomodimin e turisteve,, resorte, restorante, individe, familje etj , qe kane object veprimtarie te njejtë me te apo qe lidhen me objektin e saj te veprimtarise. Shoqeria do te kryej aktivitet ne fushen e promovimit te turizmit vendas e te huaj, bashkepunim me agjenci, persona juridike, fizike, individe, institucionet te ndryshme shteterore/ publike/private etj. Shoqeria organizon ture te ndryshme te permasave te ndryshme ne pjesemarrje, objektiv udhetimi, qellime udhetimi, etj. te ndryshme brenda dhe jashte vendit.

5.2 Shoqëria ka të drejtë të ushtrojë çfarëdolloj veprimtarie tjetër të lejuar nga ligji dhe në përputhje me rregullat në fuqi.

NENI 6 **Kohëzgjatja e Shoqërisë**

6.1 Shoqëria do të ketë një kohëzgjatje me një afat të pacaktuar.

6.2 Shoqëria ka personalitet juridik duke filluar nga momenti i regjistrimit të saj në Regjistrin Tregtar pranë Qendrës Kombëtare të Biznesit.

NENI 7 **Kapitali i Shoqërisë dhe Kuotat**

7.1 Kapitali i regjistruar i shoqërisë është i përbërë nga kontributi në para i Ortakut të vetëm në vlerën 100.000 lekë.

Ortaku i Vetëm i Shoqërisë, zotëron një kuotë me vlerë 100.000 lekë (njëqind mijë lekë), e cila përbën 100 % të kapitalit të regjistruar të shoqërisë.

7.2 Kontributet që përbëjnë 100% të kapitalit të regjistruar të shoqërisë janë shlyer tërësisht nga Ortaku i Vetëm.

7.3 Financimet në formë huaje të bëra nga ortaku do të konsiderohen si hua pa interes.

NENI 8 *Organet e Shoqërisë*

8.1 Organet drejtuese të shoqërisë janë:

- Asambleja e Përgjithshme (Ortaku i vetem).
- Administratori

8.2 Kompetencat, të drejtat dhe detyrat e këtyre organeve do të përcaktohen në statutin e shoqërisë.

NENI 9 *Të drejtat dhe detyrimet e Ortakut të Vetëm*

9.1 Ortaku jep kontributin e tij në shoqëri në para apo në natyrë, sipas mënyrave dhe afateve të përcaktuara në statut, në të cilën është përcaktuar në mënyrë të detajuar kontributi dhe mënyra e afatet e derdhjes së këtij kontributi në këtë shoqëri. Ortaku i Vetëm përgjigjet ndaj shoqërisë personalisht dhe në mënyrë solidare për dëmet e shkaktuara nga mospërmbushja e këtyre detyrimeve apo nga përbushja e tyre përtej afateve përkatëse. Ortaku i Vetëm mban përgjegjësi për humbjet e shoqërisë deri në pjesën e pashlyer të kontributeve të nënshkruara.

9.2 Personat përgjegjës për administrimin e shoqërisë informojnë ortakun për ecurinë e veprimtarisë së shoqërisë tregtare dhe, me kërkesën e tij, duhet t'i vënë në dispozicion llogaritë vjetore, përfshirë llogaritë e konsoliduara, raportet për gjendjen dhe ecurinë e veprimtarisë së shoqërisë tregtare, raportet e organeve drejtuese apo të ekspertëve kontabël të autorizuar, si dhe çdo dokument tjetër të brendshëm të shoqërisë.

9.3 Personat përgjegjës për administrimin e shoqërisë informojnë Ortakun e Vetëm për periudha njëmujo e tremujore për ecurinë e shoqërisë, realizimin e objektivave mujore dhe tremujore, llogaritë, raportet për gjendjen dhe ecurinë e veprimtarisë së shoqërisë tregtare me partnerët nënkontraktorë, raportet e organeve drejtuese apo të ekspertëve kontabël të autorizuar, si dhe çdo dokument tjetër të brendshëm të shoqërisë.

9.4 Ortaku i Vetëm i Shoqërisë ka të drejtë të heqi dorë nga Shoqëria dhe mund të shesi kuotën nëpërmjet nënshkrimit të kontratës së shitjes se kuotës, pa qenë nevoja e marrjes së një vendimi paraprak nga Ortaku i Vetëm i Shoqërisë në përputhje me kushtet që i lejon Statuti dhe Ligji. Heqja dorë nga shoqëria nuk e liron atë nga detyrimet që ka deri në momentin e heqjes dorë dhe nuk e cënon atë në marrjen e të ardhurave që Shoqëria ka siguruar deri në këtë moment.

9.5 Gjatë ushtrimit të të drejtave, Ortaku i Vetëm vepron duke marrë parasysh interesat e shoqërisë. Ortaku i Vetëm respekton detyrimet që burojnë nga Akti i Themelimit dhe Statuti. Ai përpinqet për zhvillimin e aktivitetit të Shoqërisë sipas objektit të veprimtarisë së saj.

NENI 10



Administratori

10.1 Shoqëria administrohet nga një administrator që emërohet dhe shkarkohet nga Asambleja e Përgjithshme (Ortaku i vetem). Afati i emërimit është 5 vjet me të drejtë ripërtëritje.

10.2 Administrator i Shoqërisë është Z.Sokol Galanxhi, me atësi Lekë dhe amësi Gonxhe, dt.05.12.1977, lindur në Sarandë dhe banues në Rruga Idriz Dollaku, Palati 4, shkalla 1, apartamenti 8. Tiranë, madhor me zotësi të plotë juridike dhe për të vepruar, identifikuar me ID nr. H71205048b dhe nr. personal 033031560.

10.3 Asambleja e Përgjithshme (Ortaku i vetëm) mund të emërojë një administrator të dytë me vendim të saj.

NENI 11 *Dispozita të fundit*

11.1 Shoqëria do të zhvillojë aktivitetin e saj në përputhje të plotë me Aktin e Themelimit, Statutin dhe dispozitat e legjislacionit shqiptar në fuqi. Për sa nuk parashikohet në Aktin e Themelimit dhe në Statut, do të zbatohen kryesisht dispozitat e ligjit «Për tregtarët dhe shoqëritë tregtare», Kodit Civil dhe legjislacionit në fuqi.

NENI 12

12.1 Ky Akt themelimi përpilohet në 5 (pesë) kopje në gjuhën shqipe, dhe u nënshkrua pa vërejtje nga ortaku themelues.

ORTAKU THEMELUES

Sokol Galanxhi

